

Algun ciudadano ta hopi rabia!

DANDE TA CUMINZA EXIGI 50 FLORIN PA PASA BO CAS

ORANJESTAD (AAN): Ningun hende por dicidi kico e ta haci cu cultura di Aruba! Dande ta algo tradicional y cultural di e isla aki, y pesey varios ciudadano a reacciona hopi rabia mes ora nan a nota cu un conocido persona ta pasa cas pa cas pa asina ofrece nan un bishita

"garantiza" di un Dande riba Aña Nobo.

Si acaso bo kier pa Dande bin bendicionabo cu un cancion riba Aña Nobo, nan ta exigí un pago di 50 Florin.

Algun ciudadano no a gusta e cos aki at all, y pesey nan ta reaccionando na DIARIO pa suplica pueblo

pa por fabor no cumpli cu e peticion di e Dandenan aki, pasobra e ta caba asina cu cultura di e isla.

A ser splica cu ora un Dande bin bishita bo cas, e no por exigí placa pa loke nan ta haci. Ta e habitantenan ta dicidi pa habri carterá y asina saca loke nan por

pa hinca den e sombre.

Si acaso e *trend* aki continua, por ta cu den futuro esnan cu tin placa so lo haya bishita di grupo di Dande?

Pa colmo, cu bo a paga 50 Florin pa 'garantiza' presen- cia di un Dande... ora nan yega bo mester bolbe habri carterá y duna nan mas placa

den e sombre.

E ciudadanonan cu a yama DIARIO ta pidi pueblo pa porfabor rechaza tur e ofertanan aki, pasobra si unavez bo acepta esaki... otro gruponan di Dande lo haci mesun cos.. y na final di cuenta e cos aki lo bira un *tutu* completo.